

Erindisbréf fyrir landbúnaðar- og atvinnumálanefnd Flóahrepps

Stjórnskipuleg staða:

Nefndin heyrir undir sveitarstjórn og starfar í hennar umboði. Nefndin skal vera sveitarstjórn til ráðuneytis landbúnaðar- og atvinnumálum og hafa frumkvæði að tillögugerð á því sviði til sveitarstjórnar. Nefndinni er einnig ætlað að hafa frumkvæði að tillögugerð á sviði landbúnaðar- og atvinnumála til sveitarstjórnar.

Skipun nefndar:

Í landbúnaðar- og atvinnumálanefnd eiga sæti þrjár fulltrúar sem sveitarstjórn kýs til fjögurra ára að afloknum sveitarstjórnarkosningum samkvæmt ákvæðum sveitarstjórnarlaga. Á sama hátt eru kjörnir þrjár fulltrúar til vara. Sveitarstjórn kýs formann nefndarinnar en á fyrsta fundi sínum kýs nefndin varaformann og ritara.

Sveitarstjóri getur setið fundi nefndar sé þess óskað eða þegar þurfa þykir með málfrelsi og tillögu rétt.

Hlutverk landbúnaðar- og atvinnumálanefndar:

Nefndin hefur faglega umsjón með málefnum er varðar landbúnaðar- og atvinnumál í sveitarfélaginu. Nefndin skal starfa innan laga, reglugerða og samþykktar hverju sinni. Nefndin skal starfa í anda stefnu, framtíðarsýnar, hlutverka og gilda Flóahrepps með hliðsjón af Heimsmarkmiðum Sameinuðu þjóðanna.

Helstu hlutverk nefndarinnar eru:

- Að stuðla að umhverfisvænni, fjölbreyttri og áhugaverðri atvinnustarfsemi.
- Að gera tillögur til sveitarstjórnar um markmið í landbúnaðar- og atvinnumálum.
- Að vera umsagnaraðili um þau mál er lúta að landbúnaðar- og atvinnumálum.
- Að fylgjast með ástandi og koma með tillögur að úrbótum í landbúnaðar- og atvinnumálum í Flóahreppi.
- Að hafa frumkvæði að markaðssetningu og kynningu sveitarfélagsins í samstarfi við hagsmunaaðila.
- Að gera tillögur til sveitarstjórnar og annarra opinberra aðila um eflingu í atvinnulífi sveitarfélagsins.
- Að styðja við landbúnað, ferðaþjónustu og aðra fjölbreytta atvinnustarfsemi í sveitarfélaginu.
- Að fylgjast með og stuðla að því að skipulagsbreytingar innan sveitarfélagsins séu í sátt við íbúa og gildandi aðalskipulag hverju sinni.
- Að starfa náið með búnaðarfélagum í sveitarfélaginu.
- Að taka við erindum frá íbúum og öðrum hagsmunaaðilum og veita umsagnir um þau erindi.

Starfshættir:

Landbúnaðar- og atvinnumálanefnd kemur saman fyrir luktum dyrum á fastákveðnum fundartíma. Nefndin skal funda að jafnaði annan hvern mánuð. Skal nefndin gera samþykkt um fundartíma á fyrsta fundi sínu. Fundur skal þó falla niður sé umfjöllunarefni ekkert.

Nefndin skal halda gerðabók fyrir fundargerðir. Í gerðabók skal skrá hvar og hvenær fundur er haldinn, hverjir sitja hann og hvenær honum lýkur. Skrá skal einstök mál sem tekin eru fyrir á fundinum. Í lok fundar skal ritari lesa fundargerðina upp og allir viðstaddir undirrita hana. Trúnaðarmál skal færa í sérstaka gerðarbók, trúnaðarmálabók. Heimilt er að færa fundargerð nefndarinnar beint á tölvu skv. gildandi reglum sem sveitarstjórn setur.

Formaður sér um að boða fundi, fundarboðun skal vera skrifleg og skal tilgreina fundarstað, tíma og dagskrá. Fundarboð skal sent fulltrúum og öðrum sem seturétt hafa á fundum eigi síðar en tveimur sólarhringum fyrir fund. Fundirnir eru boðaðir með rafrænum hætti.

Formaður stýrir fundum nefndarinnar.

Fundur telst ályktunarhæfur ef meirihluti kjörinna nefndarmanna er mættur á fundi. Í atkvæðagreiðslu ræður afl atkvæða. Mál telst fallið í atkvæðagreiðslu ef atkvæði falla á jöfnu.

Formaður skal snúa sér til sveitarstjóra/sveitarstjórnar með eftirfylgni staðfesta samþykktu nefndarinnar.

Réttindi og skyldur fulltrúa

Um réttindi og skyldur fulltrúa gilda ákvæði sveitarstjórnarlaga og samþykktir um stjórn og fundarsköp Flóahrepps.

Fulltrúa er skylt að sækja fundi nema lögmæt forföll hamli. Hann skal láta formann vita um forföll með góðum fyrirvara.

Hver fulltrúi á rétt á að koma málum á dagskrá fundar, enda skili hann efni þess til formanns a.m.k. þremur sólarhringum fyrir fund.

Fundarmenn skulu hafa hag sveitarfélagsins að leiðarljósi við störf sín í nefndinni og eru atkvæðisbærir fundarmenn ekki bundnir af öðru en sannfæringu sinni, lögum og samþykktum um stjórn og fundarsköp Flóahrepps í atkvæðagreiðslu um málefni nefndarinnar.

Fundarmenn eru bundnir þagnarskyldu vegna mála sem þeir fá vitneskju um í starfi sínu fyrir landbúnaðar- og atvinnumálanefnd og ætla má að leynt eigi að fara samkvæmt eðli máls eða lögum. Þagnarskylda helst þó látið sé af störfum.

Um sérstakt hæfi nefndarmanna og áheyrnarfulltrúa gilda ákvæði sveitarstjórnarlaga. Fulltrúi skal víkja af fundi við umræður og afgreiðslu mála sem varða hann sjálfan, skyldmenni hans eða nánustu venslamenn.

Lög og reglugerðir:

Fulltrúar í landbúnaðar- og atvinnumálanefnd skulu kynna sér þau lög og þær reglugerðir sem gilda um þá málaflokka sem heyra undir nefndina og samþykktir og reglur sem sveitarstjórn hefur sett. Það á einnig við um samninga og/eða samstarf við önnur sveitarfélög. Nefndin skal gæta ákvæða stjórnsýslulaga við meðferð mála.

Hulda Kristjánsdóttir, sveitarstjóri